

皇明從信錄

皇明從信錄卷之三十八

秀水沈國元述

乙未

萬曆二十三年

時日本

如左

正月議日本封事。時禮部議日本原有王。未。念。存。亡。關。白。或另擬二字。或即以所居島封之。行長以下。量授指揮銜。賞賚有差。

上竟准日本王號給金印。行長准授都督僉事。已總督傳諭行長。語枝梧。且日本王見住山城。有文祿三年曆可証。與小西飛稱國王。爲信長所弑。互異。乃與遠鎮都御史李化龍疏。六可疑。五可慮。謂倭不識漢字。恐中間兩相欺給。

如着不用
可憎

請從禮部量封秀吉順化王。罷遣沈惟敬增募水兵而清
正素不服關白。與行長不相能。可用魯連論燕將計。時封
使已發。竟不從。偵倭坐營陳雲鴻報熊川島倭船三寸六
號業起行歸巢石司馬遂信封事必可成矣。出征
東考
二月會試禮部尚書文淵閣大學士張位掌詹事府吏部
侍郎劉元震充主試官取湯寶尹等三百人。

會試前一日有舉子夜夢見服一人坐殿上召之入試
試目一紙有晉元帝恭默思道七字翻飛不定與易水
生爭逐之爲彼先得及入會場第一題是司馬牛問仁
章所謂晉元帝者晉姓司馬元帝牛金所生合爲司馬

牛恭默思道是訖言其年會元湯賓尹則易水生也大
物固是天定信哉

三月廷試賜朱之蕃湯賓尹孫慎行等及第出身有差

是科蔡復一吳案劉崇朴朱光祚刑養喬林欲棟劉尚
質俱年少未娶而官僅十七尤奇何宗彥劉一燦俱
入閣孫如游尚書

考選庶吉士十八人高承祚何宗彥白瑜黃志清孫如游
陳之龍劉餘澤郭潛卬祺劉綱南師仲趙川光朱延禧鄧
士龍劉一燦梁有年林秉漢顧秉謙以待讀劉元震劉楚
先教習

趙

得而之反
非山好亂
者接成之

總督邢玠乘傳至蜀中察永寧西陽堅馬千斛皆與龍通
姻媾而黃平白泥諸司久爲仇讐計先剪其枝黨以撤曉
譬應龍大畧稱引李劉王杲事宜國威稜龍來當待而
不死不者國家懸萬金購而頭若早爲計吾不而欺也
當是時七姓惟恐龍出得除罪而四方亡命閭閻其間又
幸龍反因以爲利縣道文移輒從中阻總督復使詣龍所
問狀檄撤綦江烏江兵諭秦民勿擾龍漸有悔心矣會水
西宣慰安疆臣請父國亨卹典兵部尚書石星手札示疆
臣趨應龍就吏得貴畢時御史吳禮嘉以水西與龍世好
心疑之疆臣益自厲奉札至播招應龍低回久之而驛報

應龍所
忘在秀民
亦所悲恨

重慶王太守且至王太守士琦多大器總督特檄請其
趨應龍安穩聽勘太守屬蔡江令及經歷李應春游擊吳
文傑前往宣諭應龍乃令其弟兆龍等至安穩治郵傳儲
侍郊迎叩頭致餽資餼牽如禮口應龍久縛渠魁待罪松
坎所不敢至安穩以安穩故多秦民也使君幸枉車騎臨
既松坎敬布腹心蔡江令具言太守太守口松坎亦冀秦
勘地也即以五月八日單騎往松坎應龍果面縛道周泣
請死罪膝行前席叩頭流血請得比安國京國享義亦被
託懼罪不出界上今安穩乃蔡江所部地廣大請治公館
執罪人及罰金獻庭中太守爲請總督委兩贊畫及道府

並以七月廿四日詣安穩應龍囚服郊迎蒲伏縛獻黃元
阿羔阿苗等十二人案驗抵應龍斬以夷法得論贖輸四
萬金助採木仍革職子朝棟以土舍受事次子可棟署府
追贖黃元等梟斬重慶市總督以聞是時倭氛未靖大司
馬欲緩應龍文罔專事東方

上亦念應龍向積勞可其奏蜀兩臺因議以黃平草塘白
泥餘慶重安五司暫改屬黃平倅故事黃平倅治獄訟賦
稅而五司襲替貢馬表箋須宣慰印符宣慰多以此難五
司故也初川東兵備巡播州段最土吏給事中陳尚象疏
如舊便總督請于桐梓安家丁山赤水間設撫夷同知東

溪廵司移置松坎並允從論功賞賜總督邢玠以下金

加玠右都御史歸朝重慶守王士琦即涪川東兵備使

彈治之應龍再及寬政乃益怙終不悛每忿五司七姓奴

輩若我必盡刀俎釋忿而次子可棟尋死重慶則益心癖

分遣夷目置關據險僭立巡警江內七牌江外四牌搜戮

奏民劫掠屯堡無虛日厚撫諸苗用以摧鋒各硬手州人

稍殷厚者因事誅之沒其家以養苗于是諸苗人願爲之

出力矣

出征
播考

加奴兒哈赤龍虎將軍

奴兒哈赤修姓故建一枝部也其祖叫場袋塔失並及

于阿台之難，乃走（在）東方，新北侵張海，色失，諸酋饑，食之，會色失爲孽，侄英革仇殺，往投奴酋，搜戮無孑遺。張海等因奔海西南，關都督（及）商，是時海西北關遺孽，十寨，那林、李羅方連，西虜以兒鄧等攻（及）商，急，奴兒哈亦以（及）商，匿仇，并連那卜二酋圖（及）商。朝議諭（及）商歸海，約婚奴酋，罷兵。是後，奴兒哈赤亦時時于撫順諸堡，送所掠人口，自結于漢，居頃之，有佳牧，木札河部夷克五十等掠柴河堡，射追騎，殺指揮劉齊，走建州，宣諭奴酋，即斬克五十，以獻乞，賜賞。又因貢夷馬三，非述祖父與圖王杲阿台有殉。國忠吟復身，率三十二酋保。

凡陞授吏
部當用生
仙不宜用
管錄

塞且鈴東建州毛憐等衛驗馬起貢請得陞職長東夷
時開原參政成遜遼海參政栗在庭會查本夷原領物
二十道係都指揮伊祖父爲鄉導勦王果後並死兵火
良然今奴兒哈赤屢還漢人口且斬克五十有功得陞
都督制東夷便總管侍郎張國彥以聞 報可是時萬
曆十七年九月也奴兒哈赤旣竊名號夸耀東夷則勢
愈強後三年倭陷朝鮮 中朝徵兵檄如雨貢夷馬三
升乃稱建州與朝鮮錯壤奴酋忠義控弦數萬可檄征
倭報効不果而奴兒哈赤方與那卜二酋構會那卜二
酋殲及商則併計 大明祖被擒請勦亦槩罷然奴兒

哈亦竟殛

出建州
女白老

卜寨旋以塞功至是得加是秩視王台時

丙申 萬曆二十四年

正月先是東封之使久稽觀望訛傳不一至是方抵釜山而沈惟敬又詭云演禮同行長先渡海私奉秀吉蟒玉翠善冠及地圖武經又驅壯馬三百南戈壁騎從陰獻秀吉娶阿里馬女與倭合宗城故執袴子謀親從言倭叵測四月三日乘夜易服奔印初遁遠撫鎮馳奏併報惟敬就縛上遣問宗城議戰守會副使楊方亨受惟敬誠揭倭情無變改命科臣往廷臣交章請罷封

上責規避抗違下御史曹學程于理竟以方亨充使加惟敬神機營銜爲副惟敬因得舞智揣摩巧完封局弄司馬

廣甯寇

出征
東考

七月楊應龍肆逆，勞餘慶土吏毛雲乘棺，磔其尸。又掠石
阡都壩，焚劫餘慶草塘二司，遍及興隆偏鎮都勻各衛。已
又遣犯龍引兵圍黃平，戮及重安司長官張熹家。出征
東考
時奴兒哈亦附貢夷，解奏總五十三酋，捍虜勞苦乞折賞。
及援黃狐狸例，懇蟒段加賞五百兩。下部咨議。出建
州考
是年輔臣陳于陞卒，謚文憲。

丁酉 萬曆二十五年

正月湖廣苗變。寶慶府城步縣護印照磨梅著作條議撫苗方畧。時城步去任元知縣因丈苗田。致苗叛。扈當經請詳捕獲。苗雷晟聰藍進梅監候。另捕江通海等。聽候歸結。聞元知縣遂因苗變改官。諸苗恐有擒勒之禍。而當事者紛紛無定。乃條上曰。看得城步縣乃楚之西南絕徼。控五崗四十八寨之阨口。苗夷環繞。僅西北通武岡一路。縣民所居。不甚輻輳。大都苗居十九。民居十一。若其地產之利。苗獲十九。有餘民得十一。不足考之賦稅。則民又十倍于苗。雖苗之戶口田糧。載于冊版。同歸天庥。然苗田從來

免其清丈根米惟任自相耕辦曾未問其孰申孰乙孰多
孰寡即諸苗多有自相轉賣者亦未問其誰盈誰縮也苗
糧舊額一百八十餘石續因洪武永樂景泰天順等年諸
苗屢次捐輸累經調兵勦平然糧額漸減僅納至八十石
而所減百石之糧悉派于七里包賠竟不取足于苗至萬
曆二十一年始得議免寧為七里豁除終不科之苗此明
借八十石之糧為戰馬之制耳苗向之境外通廣西古田
天水一帶皆散苗盤據出沒為祟嘉靖三十八年沒入城
步踰城劫庫比得本處崗寨諸苗追戮殆盡帑金全歸散
苗至今不敢東望朝廷念其微勞定為三年五年大賞

小貨之格所賞甚微而苗人攜老弱赴縣叩領拜忭稱謝未始不欽遵王法此益徵制取之妙用羈縻之定效也近因元知縣進崗丈田崗苗雷成聰糾黨阻丈厲詞惡態體統掃地但肇禍之端寔開自縣民薛思祖等當時下城步浮糧三十石原經攤入七里代納以抵下城步增納條銀之數乃薛思祖等倡爲告謠浮糧之說科歛七里鄉愚使費後事不行銀皆侵破無以辭于七里又復創爲民買苗田避重就輕合行清丈作數以抵下城步浮糧元知縣遂然其說不知此乃薛思祖等借公行私更圖挾詐客民之買苗田者或丈或免任其開闢名曰效忠寔則謀利

而李進安等又從吏引導遂致元知縣深受窘辱而雷晟
聘之阻路撓丈誠有授之以意者蓋典苗田之人盡皆本
縣吏胥及寄籍客戶元知縣既欲清丈起科以抵浮糧而
典田者惟恐不利于已乃激苗以回贖糧累之說雷晟聽
等遂倡衆關阻元知縣既已改官而啟發造謀者竟令漏
網何哉至如江通海藍進梅並置之阻丈行兇之列似屬
以馬牛安得不令嗷嗷乎近日羅再植羅來清越崗岡許
晟聰之家以致被執寔再貴之所自召且雷進金已認放
歸而再植風清自不欲出此犬羊之性不可以理諭者昨
初到城步之時正羅再植被執之日雷晟聰藍進梅妄意

原摩卑字
也謀印特
事也而馳
號以廣金
地方保全
妙命為念
以說元今
何如哉

出獄紛紛訴詞羅再貴又與羅進金等勾勾求勝每日帶
刀入城進縣告擾攔牛一崗苗根不見如明完納及明白
開諭曉以禍福漸覺稍稍相安苗根俱已完倉覺其惡態
盡消所以不敢申報者正恐張皇視聽買田之衆又生事
端益起苗疑急則囹圄生變且據雷進金藍進梅近日所
告之詞迥與前日懸絕但欲求出毫無異言竊恐事久不
決疑畏益生縣獄防閑久疎虞有出柙之患當責令雷進
金楊再聰放山羅再禎等二人仍令江通海自出投到聽
勘况苗非我類可以德感難以專任法制城步邊徼小邑
土瘠民貧武備廢弛難與戰守萬一崗寨糾合而來蹂躪

再征日本

在所不免。稱兵勦伐，必至殘命傷財。收拾之難，萬萬倍惟。當察止戈之議，擴祝網之仁。矜其無知，宥其既往。俾得渠魁自獻，不勞攘擾甲兵。豈特諸苗沐再生之德，而一縣人民亦可以帖于衽席矣。

出集

詳封豨
平方吉小
西歷春開
登臣行片
登臣家
等過新也

二月，復議東征。時封事已壞，而楊方亨詭報去年六月十五，從釜山渡海。九月二日，于大版受封。即以四日回和泉州。然倭責朝鮮三子不往謝，留釜山如故。謝表後時不發。方亨徒手歸。至是，沈惟敬始投表。文案驗濟草，前折川豐臣圖書，不奉正朔。無人臣禮。而寬奠副總兵馬棟報清正業擁二百艘屯機張營。方亨始直吐顏末委罪，惟敬并木。

經略
一經

兵前後手書進 御覽而惟敬辱 國及本兵彌縫罪狀
奉 旨勅如律。于是以總督尚書邢玠經畧。麻貴從延綏
改備倭爲大將軍。而經理朝鮮。特 勅參都御史楊鎬。天
津亦開府申警備。

初惟敬本一無賴。石司馬誤中其游說。借款息兵。意雖
爲 國。而堅于持議。遂警通國之言。藉口省餉。盡徹成
兵。欲倚小人成功。難矣。封使久羈。亦稍稍疑。數遣心腹
偵探。復飾詞迷復。自甘欺罔。至欲媚

上以珍珠鵞。戒防東廠官校漏言。此真老而天奪其魄。惟
敬小人何所不至。今早如遼督撫言罷遣。而劉綎吳惟

忠等防戍不盡撤亦何至。諸張潰裂也。大臣謀國惟公。與虛難矣哉。蓋前後凡七年而邢司馬奏殲倭海上。此倭
三月楊應龍流劫江津縣及南川。

五月九日麻將軍貴抵遼陽十八日望鴨綠東發所統兵止萬七千人請濟師經畧疏請募兵川浙并調薊遼宣大山陝兵朝鮮惟閑山水兵一枝稍勁請益調福建吳淞水兵而劉綎督川漢兵六千七百聽防剿與麻貴各建牙麻將軍密報候宣大兵至乘倭未備先取釜山經畧謂一取釜山則行長擒清正走此奇着快人而勢未可乘初擬楊元吳惟忠分屯全羅之南原慶尚之大丘慶州大將軍駐

說水陸各
六其形

王京居中調度而南原賊北盡樵芻不獲蒙尚一道半爲
賊據孤軍難入乃檄楊元趙簡整理南原吳惟忠扼忠州
七月麻將軍至碧蹄討至王京去釜山千四百里而南原
忠州並相去數百里勢難趨搗且行長營釜山清正營西
生浦如破釜山陸路必由梁山梁山西北有峻嶺止客雙
馬路險絕南有三浪大江直通金海竹島二處皆咽喉地
倭並伏勁兵水路必由巨濟加德安骨三處亦咽喉加德
安骨有倭船鱗次巨濟尚無兵屯此應先提恐一過梁山
三浪江倭水陸各一枝在梁山東西扼險吾後無應援再
益以機張等兵自東來益不可當如破清正陸路自西而

東則由東來機張自北而南則由慶州蔚山鹿泉東南大海西北山嶺稻田止可用步兵水路必自東而西由黃驄浦浦開雲長驍水兵極單弱倭所依者水而水戰不利正兵須東西各水兵一枝牽其回顧陸兵方可衝突仍一軍屯南原捍全羅一軍屯大丘扼慶尚一軍屯全慶中如善忠宜寧爲中堅然後分向釜山機張兩陸路水兵東西兩面齊發此正着而兵糧不齊難輕動蹀聞

上諭與經理圖進止大學士張位等請于開城平壤開府屯田西接鴨綠旅順之師東爲王京島嶺之援因山鼓鑄以資軍興又言招南兵不若求南將傳示朝鮮其王虞

中朝吞併乃疏稱朝鮮舊有三城漢城開城平壤也今並
殘破所居漢城亦荆棘未除小邦形勢全慶二道爲重慶
尚門戶全羅府藏也無慶尚則無全羅無全羅則雖有他
道終無所資以爲根本斯乃倭所必爭我所必守倭若據
全羅則遠之西海一帶近之珍島濟州皆爲窟穴縱橫無
所不通便風一二日抵鴨綠卽開城平壤不足爲固往在
壬辰倭陸抵平壤又從水犯全羅出西海幸舟師扼于
閑山島今倭據慶尚左右道而釜山西生浦爲其巢穴對
馬釜山間海釜數百里爲其換道得于慶尚要害設險屯
積兵餉時以輕兵相機攻剿從陸地以感其勢而又以精

元國終
可什

曠終卒出沒海上邀截其後廢幾有濟若處國則地土曉
曠終不如南方議遂寢

六月倭數十艘先後渡海分泊釜山加德安骨等宿放光

如用鐵朝鮮郡守安弘國已復往來竹島漸逼梁山熊川

初沈惟敬率營兵二百出入釜山宜寧與倭合揆事不諧

便舉足入倭經畧向切齒謬為慰藉惟敬漸移南原去冬

山七百里經畧即以屬楊元先假更換撤其營兵後惟敬

聞

上罪石司馬而倭酋平調信益兵進犯乃為起宜寧會仁

長之說晴欲走倭調信果以倭五百來迎楊元聞即襲站

丁元
九月

閑山一弁
倭勢衰

之。惟。敬。執。而。倭。將。導。始。經。倭。已。奪。梁。山。占。三。浪。則。遂。入。慶
州。侵。閑。山。

七月十五夜襲紫川島。統制使元均風靡。遂廢閑山要害。
倭駐巨濟。閑山島在朝鮮西海水口。右障南原。爲全羅外
藩。一失守。則沿海無備。天津登萊皆可揚帆。而我水兵止
浙三千。甫抵旅順。經畧檄且哨且行。赴閑山協守。閑山破。
則守王京以西之漢江。大同江。扼倭西下兼防運道。

八月十二日。倭圍南原。守將楊元本債帥。無固志。十六夜
倭猝乘城。元驚起。帳中跣足遁。時全州有陳恩襄。忠州有
吳惟忠。各扼險。而全州去南原百餘里。勢相犄角。恩襄初

定情

守王京

吾州無斗糧及勘十里外山霧中多貯米粟弓矢蓋朝鮮
置我兵甚于倭不欲在州遠貯山谷者恐倭至反爲寇助
也南原告急愚裏儒不發兵聞已破而州民爭竄秦城去
麻將軍惡遣游擊牛伯英赴援與愚裏合兵屯公州倭遂
犯全羅逼王京王京爲朝鮮八道之中東陞爲島嶺忠州
西陞爲南原全州道相通自二城失東西皆倭我兵單弱
因退守王京依險漢江麻將軍日夜遣使通我師防倭暗
襲而發兵守稷山朝鮮亦調都體察使李元翼由島嶺出
忠清道遮賊鋒經理身赴王京躍馬諭以死守人心始安

批征
東考

京省主試官順天中允全天叙修撰焦竑應天諭德朱國祚中允葉向高浙江編修楊道賓吏科給事中戴士衡江西編修董其昌戶科給事中程紹福建編修劉日寧兵部員外黃煒湖廣編修馮有經兵部主事馮上知河南尚寶司卿蔣春芳兵部主事李長庚山東吏部主事錢養廉工部主事沈朝煥山西光祿寺少卿何倬大理寺評事石九奏陝西兵部主事田立家中書舍人吳仁度四川刑科給事中李應策中書舍人侯執躬廣東戶部主事鄒原岳行人陳嘉訓廣西工部主事張宗孔行人汪若霖雲南戶部主事王大合行人沈時來貴州中書舍人鍾光斗

諸如南京監生中額十名不爲例是科鮮元徐元觀德孫
進士入翰林少詹兼監察御史管理練兵多所建白時未
運用

順天場中取士文多奇詭用老莊語論者因言中有關
節偏坐副考焦竑調福寧州同知中式數人亦被革黜
然皆高才博學文奇僻有之而關節未也至庚子科中
條議科場事宜亦及此謂宜以維經論而不宜旁及無
根且正者已自認難議而偏坐尤非誣漸白元考
九月副將解生游擊牛伯英頗貴于稷山水源設伏各有
新獲叅將彭友德等亦報追倭至青山獲級百十六軍器

不無亦好

益振經畧乃移卽中董漢儒屯義州海防使蕭應官走
壤又聲言調南北水陸兵七十萬旦暮至福廣浙直水兵
直搗日本倭聞風遂不敢進行長弁已離王京六百里
清正踰竹嶺奔慶尚離王京亦四百里

十一月經畧渡鴨綠二十九日抵上京共議進剿而所謂
宜大延浙諸勝兵並集乃分三協左李如梅右李芳春解
生中高策並以副總兵分將時監軍爲御史陳效

上復賜經畧尚方劍重事權經畧司令麻將軍同經理論
左右協自忠州島嶺向東安趨慶州專攻清正恐行長自
爾來擬令中協兵馬近宜城東援明備西扼全羅援倭天

山計備中將馬興等五百同縣總管由永安縣東南而下大張旗鼓詐攻順天等處以牽行長我師陸路糧餉獨水兵屢戰不至既大聚兵經畧與麻將軍于十二月二十日會廣州探倭屯蔚山蔚山之南島山並不甚高而賊皆板山險中一江通釜寨其陸路則山彥陽通釜山麻將軍欲專攻蔚山恐釜倭由彥陽來援令中協高策吳惟忠等扼梁山左協董正誼等赴南原張疑又遣右協盧繼忠兵二千屯西江口防水路援于二十三日從蔚山進攻游擊羅峯以輕騎誘倭入伏獲級四百餘倭盡奔島山于前連築三寨翼日游擊茅國器統浙兵先登連破之獲級六

是役功蓋
紀矣而以
余是復歸
敗乃

百六十一倭堅壁不復出。島山脈蔚高，石城新築，堅甚。我師仰攻，多損傷。諸將曰：倭艱水道，餉難繼，第圍守之。清正可不戰縛也。經理以爲然，分兵圍十日。夜，倭至，噴紙充餽，飯先用礮者。倭從隙用礮發命中，彈皆碎鉄爲之，中多疊。幾賊我師稍怠，佯約降，殺攻而行。長來援，行長亦慮我襲，釜營止。還銳倭三千，虎張幟蔽江上，頃之。經理聞報，即倉皇撤兵。倭襲兩協，棄輜重無算。經畧乃移各兵回王京，圖再舉。而贊畫主事丁應泰、陳劾經理楊鎬喪師黨欺。上罷鎬，命兵科左給事中徐觀瀾往勘，併勒大學士張位、周佳以位密揭薦鎬奪情破倭，今乃朋欺債事故也。出東在考

莊應龍臨合江索其營表于升龍城下，警謁之。①府柱
宜據司土舍馬千駒入橫，先是千駒毋單與應龍私，單寵
千駒謀奪長子千乘爵，于是聘應龍次女爲繁媛，因緣朋
好，所從來矣。出橫州考

黃鶴樓雄峙武昌，是年一日無故自火，延燒千家。黃鶴
之磯，民淘智井者，一人入，不出，一人繼之，曰：如有他慮，
我撼繩鈴，悉上我。其人入，見前人歎，傍有大穴，有火光，
俄一人冠方山冠，着絳袍，持刃來逐之。其人大呼，撼鈴
起，駭幾成甦，爲人言如是。聞之監司，欲夷其井。一夜自
滿，有狐從漢陽門入，陰雨作人哭，尋之無有。民間見狐

蛇大聞後龜蛇俱死自此以後水旱饑饉相仍逾年積
事興全楚被擢死及逼死者不可計其後民殺其黨與
幾千人明年諸宗攫金之變起殺一大臣王子伏斧鑕
者數人

出榮
結

海外有浮提國其人皆飛仙好行游天下至其地能言
土人之言服其服食其食其人樂飲酒無數亦或寄情
陽臺別館欲還其國一呼吸頃可萬里忽然飄舉此恍
漾之言然萬曆丁酉年葉侍御永盛按江右有司呈市
上一群狂客自言能爲黃白事極飲娛樂市物甚侈多
取珠玉綺繡償之過其直及抵暮此一行入忽不見該

葉不許第呼召至前果能爲江右土語然不諱爲洋提
人亦不謂黃白事果難爲也手持一石似水晶可七尺
許置之于案上下前後物入鏡中極寫毛芥又持一
金錢小函中有經卷烏楮綠字如般若語覽畢則字飛
願持此二者爲獻葉曰汝等必異人所獻吾不受然可
速出境無惑吾民各叩首而去

出小品

戊戌 萬曆二十六年

正月東征經畧以前役缺水兵無功乃益募江南水兵講海運爲持久計

二月別將陳璘以廣兵劉綎以川兵鄧子龍以浙直兵先後至而天津巡撫都御史萬世德代楊鎬或語經畧朝鮮地里隔越山水險阻兵聚一處難以成功不若因地分任人自爲戰守經畧然其謀分三協爲水陸四路路置大將中路李如梅東路麻貴西路劉綎水路陳璘各守信地相機行剿時倭盤據朝鮮七年沿海千餘里亦分三窩東路則清正棲蔚山自去冬攻圍益增築西生機張在在屯兵

兩嶺蓋山爲根本、西路則行長嶺、聚林曳橋、建堅砦、數重、
懸崖天堦、與南海管相望、負山襟水、最據扼塞、中路則石
曼子、據泗川、北特晉江、南通大海、爲東西聲援、薩摩州兵
剽悍精勁、敵而行長水師、皆休濟餉、往來如駛、尤倭繫重、
經畧懲島山之失、特于三路外、置水兵一路、約日並進、而

中路李如梅、尋調遼帥、以董一元代、

出東江考

會試以武英殿大學士沈一貫、掌院事、禮部侍郎曾朝楫、
克主試官、取顧起元等二百人、

三月廷試、賜趙秉忠、邵景堯、顧起元等及第、出身有差、
考選庶吉士二十一人、黃國鼎、張文光、楊文藻、丘禾寔、洪

瞻祖趙師聖周道登溫體仁李思誠楊希聖胡賓臣何如寵張邦紀周如磐張鳳翔黃陞王毓宗張光裕盛以弘孟時芳曾舜漁以禮部侍郎曾朝輯教習

先是御史喬璧星請改試期故事三歲開科八月鄉試明年二月會試至元仁宗始定從李孟之請也入國朝御史喬璧星監試以舉子重裘以進便于懷挾請改三月用單夾衣則宿弊可清李廷机駁之曰如此則四月十五日殿試日煖如何操筆又其甚者不暴殺舉子耶衆闕然一哄遂寢

時張鳳翼有會試移期議一篇謂會試期移在三其

在觀東後從舟可省糧二便于雲貴主子。
正統衣裘防閒甚易四磨錄無可凍之苦五歸家無開
河運舟之阻喬壁星之疏止得其一而未悉也。山小

九月二十日分道進兵劉綎通行長營挑戰奪倭橋斬級
九十二驅入大城陳璘舟師協堵擊燬倭船百餘麻貴抵
蕪山與清正對壘據險割其糧稻焚溺甚多董一元進取
貴州援望晉乘勝渡江南連燬永春昆陽二寨倭退保泗
州老營鏖戰下之游擊盧得功歿于陣得級九十二前逼
新寨三面臨江一面通陸引海爲濠海艘泊寨下以千計
築金海固城爲左右翼中通東陽倉

元史卷一百一十五

十月十一日，董將軍一元分派馬步協攻，步兵游擊茅國器、彭信古、葉那榮三營前攻城，騎兵游擊郝三聘、馬呈文師道立、柴登科四營後應。步兵游擊藍芳威攻東北水門，副將祖承訓殿攻圍。自辰至未，彭信古、川大楨擊寨門，碎城垛數處，步兵齊至壕，砍護城欄，湧入。忽營中楨破火藥，發烟漲天，倭乘勢衝殺，回城援倭亦至。我師騎兵先潰，遂奔還晉州。經畧查叅，詔斬馬呈文、郝三聘，以徇。彭信古等克爲事官，董一元革官銜，降府職三級，各戴罪立功。而朝議以師久無功，洶洶撤兵。大學士趙志臯請令總督歸，制虜以東方事，專委新經理萬世德，量留兵將分有。

捷音日至

朝鮮府部九卿科道集議兵務總理事中興輔忠愍史重
承濟等既爭乃寸意進剿曾福建都御史金學曾報平秀
吉七月九日死各倭首業有歸意我師因水陸乘勢夾擊
十一月十七日丑鼓清正發舟先遁麻將軍貴遂入島山
西浦劉將軍艇因倭詐降夜半攻其不意遂奪曳檣獲級
百六十石曼子引舟師救行長遇陳將軍璘半洋邀戰行
長乘小艇倭泊露梁尚數百艘氣甚惡以將軍璘統蒼曉
船追擊并熱死石曼子得級二百二十四水爲赤副將鄧
子龍朝鮮統制使李舜臣衝鋒陣亡南海蕩平倭遁錦山

嚴焉

山征
東考

鄧子龍南昌人。驍勇善戰。領兵征倭。渡鴨綠江。有物觸舟。取視之。乃沈香一段。把翫良久。曰。死似人頭。愛護之。每入夢。則香木與首或對。或協。而爲一。倭死于倭。載尸歸。失其元。取香木雕爲首。酷肖。子龍善戰。能盡其才。亦一時名將。乃存時僅一偏將。屢爲言者所攻。世之不善容才。乃爾。沉香其殆憐而先知。願與作伴。作面目乎。異哉。

出案錄

董將軍一元報捷浙兵游擊茅國器稱參謀史世用持經
理論文往有石曼子用事郭國安內應石曼子建論先據

各縣清東門始結局云捷聞。

上發帑金十萬兩餉貸丁應奉再跪賂倭責國

有大報

上念將士冲冒矢石特論優叙應奉回籍聽勸東征勛功

廣給事中楊應文

原在

騎兵備使王士琦調征倭楊應龍益統苗兵大掠貴州洪

頭高坪新村諸屯已又侵湖廣四十八屯阻塞驛站調原

奏警民宋世臣父鑒及羅承恩等挈家匿偏橋衛城襲執

指揮陳天寵等大索城中得鑾承恩及子女慘戮以殉今

孫思之
亦通天矣

諸苗對父奸女面夫淫妻或裸體坐木盡射笑樂或燒蛇

從陰人腹人蛇俱斃又掘墳墓焚屍灰飛蔽天巡撫貴州

都御史江東之疏請防禦詔令擒獻惡目正法巡撫四川都御史譚希思御史趙標請于合江綦江各置游擊一員合江募兵千二百名扼岡門綦江募兵二千名扼安穩部覆如議播州

安南進代身金人箠用囚服面縛是年黎惟潭自以恢復放罪視莫經庸有間爲立面肅容狀閱驗嫌其僞令改箠俯伏焉錫其背曰安南黎氏世孫黎惟潭不得蒲伏天門恭進代身金人悔罪乞恩二十五字

按進金人代罪片蓋藝文所以戲唐太宗者我朝宣德中用之黎利仍陋習件諸大臣其未之改耶出小

瓊州士子赴提學試涉海甚艱嘉靖二十六年沒者數百人臨高知縣陳埏與焉并失縣印其考貢之年地遠不至者亦不復補

神宗初卽位王忠欲先生瓊之安定人也入館卽請于

朝以備兵使者攝之得允瓊士德之又建書院捐學田立鄉約保甲之法兵使者通行一府地方以寧鄉人共建生祠祀忠銘題曰崇報忠銘不敢當乃祀贈公而忠銘附焉吁爲德于鄉而食其報若忠銘可以永矣

按忠銘諱弘謨質直忠厚工詩及書湛于名利幾人相矣有阻之者終南京禮部尚書先已丑與許文穆公主

會試時會元陶望齡狀元焦竑館選二十二人忠銘卽
以是年南行至戊戌再起以考滿入京門下士在京正
盛迎于郊外二十里自四衙門而下凡八十餘人極一
時勝事得士報君若忠銘者卽不入相其何憾

朱平
座記

勦擒

再啟于飛
練

給主勅

巳亥 萬曆二十七年

二月議大征播時黔撫令都司楊國柱指揮李廷棟部兵
三千往勦楊應龍遣子朝棟帥北麓何漢良等迎敵于飛
練堡我師奪獲三百落賊佯走天邦岡誘罷我師藏之楊
國柱罵賊不屈竟脅跪斬與經歷潘汝資等俱歿于是黔
撫臣坐浪戰罷以郭子章代而蜀巡撫改總督特起前都
御史李化龍兼兵部侍郎節制川湖貴三省兵事決意征
勦

時東征業已完局而播州議復用兵劉綎督川兵先發麻
陳董三帥並撤回以李承勛充禦倭總兵暫留戍萬五千

獻俘

人前後生擒倭六十一、四月十八日獻俘、平秀政、平正成、並梟磔、傳九邊。

是日天氣清和、獻俘禮成、大司寇蕭大亨領左右侍郎出班奏事、長身偉貌、燦燦有威、時

上御午樓、朝曦正耀、蕭跪御道、兩侍郎夾之首、僅及肘、致詞、先述官銜名姓、及左右侍郎、并請犯人某等磔斬、末云、合赴市曹行刑、請旨、凡數百言、字字響亮、舒徐宣畢、俯伏、

上親傳筆去二字、廷臣尚未聞聲、左右勲戚接者、二遍爲四、乃有聲、又爲八、爲十六、漸述爲三十二、最下則大漢

將軍三百六十人齊聲應如雷矣

出小

五月總督郭子章馳至蜀卽請設標兵益調募浙閩滇與將士先檄總兵萬整自松濟移重慶并調集鎮雄永寧各漢土兵設防

六月應龍乘我師未集大勒兵犯綦江分屯赶水猶兒岡婁國等以偏師一犯南川一犯江津其子朝棟守沙溪緝麻山防永寧宣撫與貴州十七日游擊張良賢遇賊舊東溪頗有斬獲念一日黎明應龍督苗兵圍綦江城數匝游擊房嘉胤誤焚火磚反傷城上兵賊乘勢登城嘉胤率師巷戰蜀兵爭謀走水上乃先殺其妻與良賢赴敵次應龍

此雖為機
微智耳

因劫今縱囚焚掠綦江失守則賊勢如出柙乘勢長驅討

半日可抵重慶重慶失則蜀門戶去矣而賊方出綦江庫

猶師侯倉就食盡取貲財子女去老弱者殺之投屐蔽江

下水為赤退屯三溪以綦江之三溪母渡南川之東鄉

立石為播界號宣慰官莊聲言江津合江皆播故土統兵

清理遲回累日總督乃得日夜徵調漢土各兵守渝城獲

奸細十六人沉于河分戍南川合江瀘州勢漸張賊亦遷

延不進初賊本無意射天徒以安忍猖狂既覆我師飛練

則騎虎勢不終下益結九股惡苗及紅黑脚等苗負險美

兵然猶時與我如往局曲宥未敢鼓行深入止言爭界給

葬并索奸奴而總督因我援師未集蜀人畏賊如虎成都
兵甫出門卽欲投錦江亦時時移文詰責示無遽絕意計
以緩賊賊果具文求撫不復西向總督亦謬作好語靡之
止駐會城調度示賊無張皇已

上聞破綦江追視兩省撫臣譚希思江東之各爲民緹騎
逮兵備使王貽德賜劍懸賞嚴旨進剿總督益調沿江

南兵及武岡麻陽兵移粵西總兵陳璘改湖廣駐偏貴州

總兵童元鎮平越專侯大舉

出播
州考

七月給事中楊應文勘東征功次共四路擒斬倭二千二
百四十八宣捷祭告郊廟如例因題叙四帥首陳璘

次劉綈又次麻賁而董一元始破三寨終掃諸巢功亦難
泯

上晉那玠太子太保賡一子世錦永指揮僉事賜金蟒
萬世德陞右副都御史賡一子入監陳璘劉綈各加都督
同知麻賁右都督賡一子世指揮僉事正千戶有差董一
元准復職仍並給金幣部使董漢儒王士琦梁祖齡等各
加賞并賜兵部尚書田樂金蟒賡一子入監兵科都給
事中張輔之職方郎中楊應聘並優擢再叙稷蔚功賜
茅國器陳寅彭友德等金前經理楊鎬以原官叙用已復
念御史陳効殞命絕域賡一子錦衣而弃師楊元通倭沈

合者分之
是物流變
之巧

惟敬先後弃市

出東
江考

八月陝西狄道縣城東五里地名毛家坡山長二百餘丈忽崩裂一半長一里其下冲成一池山南平地湧出大小山五座約高二十餘丈山未崩之先每夜山下火光四出其內有聲如雷稍稍又聞鼓樂之音如此者十數夜至十八日遂崩

出東
志

十月劉將軍綖統兵至蜀總督亦就近移重慶而賊微聞上無意肆赦益結生苗大治扼塞以黔兵弱時偵謀黃平平越間總督前檄水西兵三萬守黔省第...不...斷招苗路

十一月應龍屯官壩聲窺蜀已遂熱東坡爛橋楚黔路梗

已又出掠偏橋與隆鎮遠諸衛接取九股生苗平越新添
黃平龍泉所在告急黔危于累卵總督以偏隆間東坡爛
橋重安三處寔楚黔滇要害一為賊據則楚不得入黔滇
不得出楚將無黔且無滇議置勁兵萬餘通道因疏叅黔
帥童元鎮擁兵銅仁不前

上怒逗留革職立功以李應祥代而故總兵沈尚文且緹
騎逮治也劉綎亦以赴師踰期充為事官報効

上以楚地遼濶偏橋既設總兵仍以文臣特開府視師廷
推江鐸往是時徵兵廣至總督大頒賞格為諭苗雜言廣

招慰賊黨頗勞

出捕
備考

時倭氛雖靖尚有留戍之議征東經畧疏稱留戍缺餉戶部尚書陳渠議天朝七八年來所費本色百萬折色四百餘萬朝鮮辦餉方可議戍刑部尚書蕭大亨議闕自秋清行二酋貳倭未能糾衆再來惟對馬窮倭苦難資生必肆掠況昔年釜山爲倭戶佳種似屬必爭計留兵萬五千歲費不下三十萬應從長計處而廷臣議留十三議撤十七、

倭去王京屯釜山首尾將五歲如鷺島之匿形洲之者曰倭初因根朝鮮故輕入不反兵後朝鮮殘破無見航倭雖六十六州實止及中國一大省徵輸猝難取給

解海運粮風不利俟粟支一年有進無退或曰沈惟敬
許倭七事約割忠清全慶三道朝鮮王親往謝小人辱
國所許至有不忍言者倭生獲全算可無戰或曰倭懲
平壤挫銳情封貢以愚我撤兵取勝十全釜山南連對
馬北通全慶東有東萊机張西生琳瑯五浦爲之左臂
西有安骨加德熊川森浦巨濟閑山德橋金海竹島龍
堂爲之右臂聯絡犄角可攻可守倭因講暫退以愚我
援兵盡撤乃借覈朝鮮負約杖筆立定凡此皆倭得策
也我以樓船橫海之師四將軍二十六偏裨費金錢數
百萬竟收功一死關白天方贊我倭小醜何能爲一時

只兩邊
提左形勢

皇朝集有錄

卷之三

五

文武大吏幾貪天功矣。差強人意。惟平壤一捷而率以封貢敗豈所謂進銳退速者耶。○或言倭入貢以刀扇小物規大利。惟申海禁導祖訓。絕勿與通。倭入犯視風。風自東北則犯大小琉球。風自正北則犯廣東高肇。風自東北則犯福建溫台。風自正東則犯浙江。風自東南則犯淮揚登萊。風自正南則犯遼陽天津。若朝鮮折而入于倭。王京之漢江不三百里入海。可窺江淮平壤之大同江不三百里入海。可窺登萊義州之鴨綠江不百里入海。可窺天津而陸由義州窺遼陽曾不尺咫。往贊畫劉黃裳疏曰。遼東一溝外。卽虜一江下。卽倭可寒。

心哉。可寒心哉。

外史氏曰。今稱倭強大與虜敵。然倭以海爲穴。并險爭
衡上國。于勢不順。而智多出于蠶食。往啗朝鮮。中朝
經畧數歲。訖不得要領。或謂闕白忌清正世臣。借兵事
出之全慶間。姑翼以弄臣行長。坐是款戰互異。不其然
與。琉球受脅。而閩浙爲震動。將憂豈在朝鮮也。余嘗策
倭非有大志。必不越海。生心封畧。唯窮島素饒。我子女
玉帛。而奸氓又潛爲勾引。鏖而走險。憂方大耳。海禁萬
不可弛。人亦有言。急之適以生變。緩急操縱。消彙未形。
在當事善自爲謀矣。

出征
東考

吳郡崑山邑庠生李文詠素性孝友是年十一月二十四日夜父原任沂水縣知縣李大經獨寢書室陡然發火文詠臥室與父懸隔一牆驚號悲救突入抱父斬以俱出而炎燎煽天棟樑盡覆橫身翼父而竟不得免父子俱遭煨燼僕李安目擊其狀夜半火息檢撥瓦礫見父剩全屍子餘半腿時督學御史陳子貞嘉其殺身成仁殉父全孝疏請旌獎。

出題

庚子

卷二十八

正月五日，楊應龍勒兵數萬，五道並出，攻龍泉司，守備楊惟忠擁兵二千，以勢不敵，先期托言議事往鷓鴣溪，止士官安民志部卒五百拒守，被擒，吏曰劉玉鑾妻子並死于賊。

龍泉係思南石阡咽喉，一失則婺川孤懸，賊方移兵進攻，聞蜀金竹官壩警報，回不果。

金竹官壩，在今思南。

石砦宜撫馬千乘軍鄧坎，賊乘懈，于三更時衝劫，我軍堅壁，至黎明奮擊，連破金竹、青岡、箭虎、跳關七寨，酉陽宜撫冉御龍進攻官壩，斬關直上，復擒斬三百有奇，賊棄龍泉。

津在李新
右不取出
次

道蓋二捷有以幸之矣。初洪邊宣慰宋承恩、勝應龍、黃女貞惠及龍反，承恩得請兩臺絕婚，黔撫臣今率土兵三千，協守烏江、桃子營。至是應龍遣楊珠等輕師遠襲，掠苗園中。時二月七日也。自徂冬至二月，所謂延寧四鎮、河南山東、天津、滇、浙、粵西兵，至者踵背相屬。土司如西陽、石砭、永寧、天全、鎮雄、平茶、邑梅、水西久在防守。烏蒙、施州散毛、容美、永順、保靖、烏羅、獨山等先後報至。總督乃分爲八路，蜀分四路。一綦江，以原任總兵劉綎將叅遊麻鎮等謀之。督以叅政張文耀、一南川，以總兵馬孔英將叅游周國柱、宣撫冉御龍等謀之。督以僉事徐仲佳、一合江，以總兵吳廣

將游擊余世威等謀之督以叅議劉一相一永寧以原任副將曹希彬將受吳廣節制叅將吳文傑宣撫奢世績等隸之督以叅議史旌賢而中軍率標下游兵策應川東總監以叅政張棟川南總監以叅政謝紹楚黔亦分四路總兵童元鎮統土知府流澄知州岑紹勛等由烏江叅將朱鶴齡受元鎮節制統宣慰安瓏臣等由泐溪總兵李應祥統宣慰彭元瑞等由興隆而偏橋分兩翼統兵陳璘統宣慰彭養正等由白泥副總兵陳良玘受璘節制統宣撫單宜等由龍泉以偏橋江外爲四牌江內爲七牌五司遣種及九股惡苗盤據故也督餉紀功烏江則叅議梅國棟

漢則副使洪澄源總監以按察使楊寅秋興隆則副使尤
錫類監以叅議張存意面白泥督餉以叅議唐啟東紀功
以副使王應霖龍泉督餉以副使陳與相紀功以副使路
雲龍監以按察使胡桂芳叅議魏養榮其黔楚巡撫郭子
章駐貴陽支可大移沅州部署已定總督大集文武于重
慶盟神作軍誓登壇慷慨期二月十二日分道並發每路
兵約三萬出師之盛近所未有先是蜀玉壘山忽裂食謂
昔年平九絲地數動殆播平前兆云曾未再浹旬而綦江
捷至綦江自東溪入播並峻嶺茂箐楠木山羊箇臺等峒
奇險爲賊目穆炤等盤據劉將軍縱于十五日進兵連戰

破三峒

三月楊朝棟等統苗數萬分三路迎敵鋒銳甚我師夾攻數陷陣朝棟大驚潰圍走我爲我獲始茶江諸苗自分往屠城罪不赦又賊忌殺威名莫敢挂其鋒屬親子悉勁兵間道相角曰爾破茶江馳南川盡林積聚渠無能爲也及朝棟僅以身免賊胆破益爲守禦計矣而諸路捷音相繼南川則酉石二司先登初八日遂尅桑木關烏江則壩陽永順兵先登十一日遂尅烏江關翌日尅河渡關陳將軍璘及副將陳寅擊四牌賊各拔靡遂奪天都三百落諸回賊連敗乃乘隙出奇兵前突烏江詐水西灘澄會哨益誘

水西有地
能吞李順
蜀矣

永順兵斷橋港死我師無算

上怒童元鎮失律逮至京或飛語水西佐賊者總督檄諸
水西不自安會賊殺其頭目澄大恨二十六日賊託田氏
修好賄澄澄斬其使治兵相攻安藏臣亦執賊二十餘人
明不背漢自是二氏交絕劉將軍縱戰九盤以二十九日
入婁山關是爲賊前門萬峯挿天中通一線我師從間道
攀藤魚貫毀柵入

四月朔屯白石應龍身率各苗決死戰陰令楊珠等抄後
山奪關四面合圍都司王芬中流矢死劉將軍親勒騎衝
堅以將擊周敦吉守備周以德分兩翼追奔至養馬城與

南川永寧路協攻連破龍爪海雲險國且壓其龍岡而守
海龍國賊所倚天險飛鳥騰猿不能踰者也時偏沅巡撫
都御史江鐸已抵任視師陳將軍璘急攻以十三日破青
蛇園安疆臣亦以十六日奪落溪關至大水田然桃溪庄
賊勢急父子相哭上國死守每路遣降文誘我師總督檄
賊詭降卽斬使焚書無爲所紿虞緹與應龍舊檄無通賊
緹械其人自明而吳廣以朔三日入崖門圍營水牛塘與
賊力戰三日卻之微利欲受降弛攻賊詭令婦人于國上
拜表痛哭云田氏且降復詐爲應龍卽藥死報廣廣輕信
接兵不動已覘知田氏詐降殺攻而所云應龍死乃川兵

攻圍以火炮擊死。所謂楊珠也。珠勇善戰。既死。賊慟如失。一手。廣覺詐。益厲兵。協攻。燒二關。奪三山。絕賊樵汲。入路。兵大集。圍下。從十八日始築長圍。更番迭攻。自是賊坐困窮崖。知兵在頸矣。會總督聞計。蹀而草檄。愈治軍。念賊圍前陡絕。勢難飛越。令馬孔英以勁兵一枝壁其前。餘併力攻後。圍營中。或言水西通賊。因移令退。劄水西懼曰。吾不爲亡。搢續也。與鎮雄引嫌。先以五月念八日拔營去。時久雨。士卒苦馳淖中。六月四日。天忽開朗。五日。劉將軍挺身先士卒。遂破土。月二城。應龍塞。是夜散數千金。募死士拒戰。諸苗皆駭散。無應者。起提刀自巡其壘。見四圍營火燭天。

傍徨長嘆泣謂妻子曰若等自爲計吾不能復顧若矣翌
日凌晨我師遂登圍破大城各將爭奪首功應龍倉皇附
愛妾二闔室縊且自焚吳將軍廣獲酋子朝棟及妻田氏
急覓屍出燭中廣中火熾失聲幾絕頃而甦總計山師至
滅賊百十有四日八路共斬級二萬餘生獲朝棟兆龍等
百餘人檻車傳致以六月二十一日解俘重慶計賊去歲
破綦江亦以是日天道好還良不誣云總督露布以聞既
首述劉將軍經功冠軍而司李高折枝以書生請自將土
漢兵爲南川將士先入關最早尤雄偉不羣

征播考

京省主試官順天唐子楊道賓修撰順天峻應天諭德黃

汝良中允莊天合浙江檢討劉生申兵科左給事中桂有
根江西編修楊繼禮戶科右給事中姚文蔚福建檢討朱
國楨兵部主事吳用先湖廣檢討沈淮兵部主事張其廉
河南吏部主事倪斯蕙刑部主事陸應川山東工科左給
事中張問達戶部主事鮑應鰲山西刑部主事李叔春工
部主事應汝化陝西戶部主事江中楠行人胡國鑑四川
戶部主事楊一葵兵部主事趙拱極廣東兵部主事沈麟
祥工部主事張嗣誠廣西刑部主事施爾志中書舍人柴
大履雲南戶部主事魯點評事蔣之秀貴州工部員外黃
士吉行人王孟震

增監生中額順天十五名。應天十名。不爲例。中式解元。
順天趙維寰。應天李胤昌。浙江葛寅亮。江西江和。福建周
起元。湖廣趙嗣芳。河南荆時薦。山東徐光前。山西馬呈德。
陝西劉宇曜。四川丁紹春。廣東關憲曾。廣西毛文沛。雲南
趙鴻貴。州張文星。極一時人文之選。而趙聲名尤盛。竟不
得一第。士林恤之。

八月撤回留守朝鮮兵。先是朝鮮王請留水兵三千。止認
本色口糧。至是歲遂得。旨盡撤。經理疏善後八事。一選
將以朝鮮右文將宜博揀。一練兵。麗人習悍。耐寒苦。而長
衫大袖。非甲冑制。一守衝要。朝鮮三面距海。釜山與對馬。

相望揚帆半日可至東入机張蔚山西入開山唐浦塗所
必經我登釜山瞭望如指掌而巨濟次之宜各守以重兵
一修險隘朝鮮王京北倚叢山南環滄海稱四塞而忠州
左右烏竹二嶺羊腸繞曲真所謂一夫當關萬人莫踰向
倭守此防我南渡而副將吳惟忠孤軍久戍倭不敢窺皆
得地利也今營壘遺址尚存亟加修葺一建城池朝鮮入
道十九無城以避地爲便而平壤西北鴨浪二江俱南通
海倘倭別遣一旅占據平義則王京聲援旣絕腹背受攻
一造器械倭戰便陸不便海以船制重大不利攻擊令淮
漏甕造千百艘爲奇兵而添造神机百子火箭一訪異材

野馬島虎
分給不可
海

朝鮮俗貴世官賤世役如錚錚自負不宜一切削之一修
內治國家東南臨海登旅門戶鎮江噤喉應援宜添不
宜撤自此以後對馬島倭酋智正稱倭將平調信島主平
義智意時制還所據諸和蓋對馬地並山岡不產五穀向
資食米朝鮮自侵掠後絕關市生理薄百計脅款朝鮮王
請裁天朝且乞量發水兵協防不許出社
來考
十一月大風寒諸講官立殿門外時煖耳尚未賜爐火亦
未舉

光廟方出噤甚郭明龍充講官最科深且長既入大言天
寒如此勿論

殿下宗廟神人之主玉體當萬分珍重。卽如我輩辛苦讀
書得此一官忝清華列禁近亦是天上人若中寒得病豈
不屑越太甚喝班役速取火禦寒氣時中官各圍爐密室
特無人倡率不敢明用聞郭言盡控出奉
光廟環向始覺煖適怡顏完講事

上聞亦不罪也郭後最受眷

朱平注

十二月獻俘闕下大司寇請剉應龍屍磔朝棟兆龍等
市梟示各夷并戮田氏馬千駟其宋承恩以先絕姻釋勿
誅

獻俘之日寒甚百官噤栗宜畢囚大呼耕紅每囚一錄

尉外毀以朱衣朱巾名曰單甲一官押之十人又而扶
且推之出西長安門夾道觀者無慮百萬車擁蔽擊大
司寇督至西市僅二十里日晡方達比行刑近昏黑矣
捨入楊氏八百餘年至應龍凡二十九歲始以其地分
爲二郡屬蜀者曰遵義屬黔者曰平越遵義領州一真
州改真安州卽古珍州縣四遵義綏陽並故縣桐梓舊
爲夜郎縣仁懷舊爲懷陽縣平越領州一黃平改置州
爲川貴要區縣三涇潭餘慶而甕水重安合爲雍安縣
龍泉所改縣仙石阡又專設播州兵備使駐遵義置威
遠衛建學增驛鳥言卉服並洽華風矣其地西南左接

水西右通永寧犬牙相錯水西向侵播州水煙天旺及
宅既脫頗衆蜀黔爭執經累數年始定在播考

時司業傅新德奏請易孔廟以琉璃先是曲阜廟祔于魯
哀公十七年漢魏唐宋代有修飾至金皇統大定間制乃
大備元凡三修洪武初改建國學于鷄鳴山下卽六代樂
游苑亦古戰場也分爲二東則小校場西則學基學舍隙
地中萊佐飲食之用五年文廟成 太祖視學釋菜七年
詔司府州縣衛學通祀衍聖公賜誥如一品法頒大成樂
器于天下舞用八佾永樂十四年撤其舊而新之以後累
朝 列聖登極遣官致祭成化中加遊豆十二重建正殿

恆爲九間樓閣門簾皆廊其制弘治十一年廟災學士李
傑祭告發帑金十五萬守臣重修十七年告成大學士李
東陽致祭簷下皆盤龍雲花石柱壯麗精緻入廟清肅莊
嚴遠非佛宮可擬相傳費至三十萬萬曆己卯撫臣趙賢
重修甲午撫按鄭汝璧連標等復開堯城重門以闢神路
是年易以琉璃奕然一新矣

出小品

辛丑

舊曆二十九年

二月會試以吏部侍郎兼侍讀學士馮琦掌翰林院事禮部侍郎魯朝楫充主試官取許癸等三百人

三月廷試賜進士張以誠王衡曾可前等及弟山身有差考選庶吉士二十二人項鼎鉉王陞李胤昌錢象坤許癸王元翰王基鴻袁懋謙雷思霈龔三益駐石呂邦燧公傳曾六德鄭以偉薛三省陳宗器蔡授中戴章甫宋憲文在茲焉奕垣以吏部侍郎馮琦禮部侍郎魯朝楫教習以禮部尚書朱虞爲東閣大學士

閣臣趙志皋致仕

秋奴兒哈赤請補雙竟時奴兒哈赤日益強潛有并海西
意而北關那林字羅與南關猛骨字羅方耐于關猛首不
支以子女質奴首請兵那林字羅恐布飛語謂猛首且執
部夷以激怒奴首奴首果信其言且心欲收漁人之利遂
執猛骨字羅置寨中盡掠其資尋証猛首姦妻法賴射殺
之留其妾松代速代 中朝宣諭則碩歸猛首次子革把
庫及部夷百二十家願以女女猛骨字羅長子吾兒忽答
于明年三月受室送歸寨至是奴兒哈赤于撫順關外刑
白馬誓撫忽答保寨那林字羅亦歸原擄勅書六十道請
補進雙貢如故事而吾兒忽答陽以撫養旋熙建州寨南

關不絕如綫北關那林李羅自羊骨乃約婚西虜宰賽自
托奴酋益旁嚙朝鮮及黑龍江上諸夷矣

冬冊立元子爲皇太子時冠婚並舉翰林院檢討沈

淮撰元良頌曰皇矣維明奕世載京有命自天繼繼承承

于天受命皇祖之命綠字金書殷祥夏正建國于常覽

本于初有昭天序罔昵或淪列聖繩哉順叙時敷罔訛

罔敷以借恭符肅皇天授在宗載統於穆莊考元龍

垂拱成稽天若以勤以鞏篤生我皇百祿是總皇建百

祿肇禋有穀思皇朱芾既仍且淑二紀密清一周冲穆瑤

枝載繁振振僕僕有僕斯何本茂枝多皇儀惟一而心

孔嘉。皇揆于正。主器非他。一索自天。受命是宜。皇言
作令。爰有定命。宗臣休臣。不應祿正。皇慮塞淵。匪爾聽
整。繹訓審時。于惟邦靖。周爰是謀。惟公惟慎。萬禩之基。願
印茂舉。既昭既賁。上擇下孚。著龜具依。皇覽其同。協于
機卜。敬愛式金。溫清裕玉。時見五稱。日朝三屬。展也國貞。
元良允托。乃應昌明。臚于寶冊。于廟于郊。自公載錫。見于
宮庭。以明邦國。爰啟東明。勝銀縷碧。皇謂元儲。爾賢能
繼。資爾元良。式惟主器。象輦貽安。龍樓表貴。爰建二王。
親親相暨。太子受冊。祗祗威威。孝敬罔缺。友愛且怡。明
德麗。父。瞻文得師。前星朗照。太一紫微。紫微帝居。明星

爛如乾心洩洩純嘏方初。皇帝萬年。皇儲燕喜其春。
惟何天保有祐亦曰吉蠲。百神爾主。皇帝萬年。皇祖
福女其福惟何天錫仁慈。

兩宮聖母並真坤維。皇帝萬年應地無期應地惟何思
齊有繹有嗣徽音期男則百。皇帝萬年乾清坤謐清謐
無疆載錫之光神堯聖舜萃于一堂式教爾家以畜萬邦
小臣作頌曰紀太常。

冊封 福王、 瑞王、 惠王、 桂王恭上

聖母慈聖宣文明肅貞壽端獻皇太后徽號群臣奉表稱
賀。

存問在籍間臣申時行 勅曰卿等贊襄密勿輔朕有年
前屢有疏摺勸朕冊立朕志已定待期舉行但因賁直沽
名之輩屢來激沮故從延緩知卿等忠言至計尚鬱于懷
今元子氣體克盈學業精進已冊立爲皇太子冠婚並舉
暨諸子封爲福王瑞王惠王桂王率文武百官奉冊寶加
上

聖母尊號曰慈聖宣文明肅貞壽端獻皇太后國本已定
慶溢宮庭念卿等家居係心良切茲遣官齎勅存問仍令
該布政司官辦備羊酒花銀五十兩綵段四表裏一同持
送以示優眷卿其加餐自愛特諭知之。

壬寅

萬曆三十年

三月在籍閣臣王錫爵謝存問疏曰茲者伏遇

皇上以冊立冊封禮成加上

聖母徽號因降勅諭遣刑部員外王玠齋至臣籍存問

恩賜寵渥臣謹望闕恭謝外伏念往年儲宮議起雖

嘗從同官反覆疏揭不過卽

皇上長幼定序一語次第敷陳臣等原無更端自出之見

可市爲名者旣蒙屢旨渙頒吉期可待臣等又原無有

餘不盡之忠鬱而未伸者今日之舉如天自清如日自明

又如震雷一發而萬疑萬謗渙然氷釋以臣之愚越在草

主心自定
臣等人心
可以居功

野但有傾耳下風伏膺 明信已耳其他尚何容贊一詞
獻一曝而以勤 九重萬里遺簪弃履之恩金莖玉露之
賜乎。伏惟天地之恩非環草可酌腹心之感非披瀝能盡
臣之所願惟願

皇上弘錫孝類大庇恩覃推此不遺舊臣之心因并推舊
臣感恩圖報之心凡事爲狂愚激聒有所欲行欲罷而未
果者一切示人以日月之明四時之信則臣區區私祝之
忱也

湖廣進鮮粗惡 詔奪布政使程正誼官

湖廣進魚鮮始于成化七年鎮守內使初止二千五百

斤十七年以後增至三萬斤用船十二隻皆布政司進
獻弘治二年四月始命內官造辦如七年數船止二隻
至是則又屬之有司而數之加增不必言矣嘗聞劉侍
御巡城禁鬻蝦蟹螯之類一日御膳中有蟹焉

上問劉御史禁此何處得來侍者以郊外對

上曰今後勿復進毋犯御史禁也可見聖明一予一奪
皆政體所關非徒以嗜味爲喜怒也

封琉球

癸卯 萬曆三十一年

遣給事中夏子陽行人崔德、勅封琉球。至丙午年方歸。
舊歲壬寅當封，請于朝時主領封之，說不從。至是始遣
出使琉球，所用舟其形制與江河間座船不同。座船上
下適均，出入甚便。坐其中者，八牕珍饈，開爽明豁，真若
浮屋然，不覺其爲船也。此則船口與船面平，官艚亦止
高二尺，深入其中，上下以梯，艚于出入，而雖啟牖亦若
穴中之隙，所以然者，海中風濤甚巨，高則衝，低則避也。
前後艚外，猶設以遮波板，高四尺許，長一十五丈，濶二
丈六尺，深一丈三尺，分爲二十三艚，前後豎以五桅，大

桅長七丈二尺、圍六尺五寸、餘者以次小而短、舟後作黃屋二層、上供詔勅、中供天妃舟之器具、舵用四副、其一見用、其三防不虞也、櫓用三十六枝、風微逆或求以人力、勝備急用也、大鐵鑊四、約重五千斤、大棕索八、每條圍尺許、長百丈、惟船大故運舟者不可得而小也、解船二、不用則載以行、用則藉以登岸也、水四十櫃、海中惟甘泉爲難得、勺水不以惠人、多備以防久泊也、通船以紅布爲帷幔、五色旗大小三十餘、而刀鎗弓銃之數多多益善、佛郎机亦設二架、凡可以資戎事者靡不周具、正副使各用一船、後從陳侃之奏共一船、

京省主試官、順天、庶子蕭雲舉、中允翁正春、應天、諭德陶望齡、中允周如砥、浙江、檢討高克正、戶科右給事中梁有年、江西、編修郭渭、吏科右給事中陳治則、福建、編修陳之龍、工部員外李之藻、湖廣、檢討孫如游、吏部主事董復亨、河南、尚寶司少卿趙標、兵部主事王一楨、山東、工科右給事中宋一韓、兵部主事徐鑒、山西、吏部員外王士騏、戶部員外李作舟、陝西、刑部主事賈兆元、工部主事馬從龍、四川、戶部員外江盈科、主事崔師訓、廣東、兵部主事龐時雍、中書舍人呂圖南、廣西、兵部主事沈光祚、行人謝廷諒、雲南、刑部主事程寰、大理寺左評事姜志禮、貴州、兵部主事

朱化孚、行人張國儒

是科各省解元、順天沈朝燁、應天王納諫、浙江陳萬言、
江西龔而安、福建林欲揖、湖廣郭士望、河南候應琛、後
俱成進士、並有才名

十二月妖書事發

上怒甚中外危疑幸

上主意素定方嚴捕時召皇太子太聲諭曰哥兒汝莫
恐不干汝事汝但去讀書篤實晏些開門早些關門仍遣

司禮監田義傳諭內閣我今日親朝

聖母回宮就宣皇太子在啟祥宮賜皇太子慰言及戒諭

皇太子云我的慈愛教訓天性之心你是知道你是純誠
孝友好善的我平日盡知近有逆惡捏造奸書離間我父
子兄弟天性親親動搖天下已有嚴旨緝拏以正國法我
思念你必有驚懼動心我着閣臣擬賜慰旨安慰教訓你
又有戒諭內外執事人等旨意今日宣你來面賜與你我
還有許多言語因此忿怒動火難以盡言我親筆寫的面
諭一本賜你細加看誦則知我之心也到官安心調養用
心母聽小人引誘傳時淚下皇太子亦含淚叩頭請去送
至殿簾隨賜膳品四盒手盒四副酒四瓶傳與先生知道

叙平播功

甲辰 萬曆三十二年

正月叙播功進總督李化龍少保兵部尚書廕一子世錦
衣衛指揮使貴州巡撫鄧子章陞右都御史兼兵部侍郎
偏沅巡撫江鐸贈兵部侍郎各廕一子世錦衣衛指揮僉
事湖廣巡撫支可大復原官廕一子入監總兵劉綎陳璘
並陞左都督廕一子世本衛指揮使馬孔英授都督同知
加定職二級世襲吳廣李應祥子並世襲本衛正千戶李
應祥贈左都督餘陞賞有差已故監軍司道張棟楊寅秋
各贈太僕寺卿廕一子入監安驛臣瀧澄母屈氏各賜金
紵絲表裏前兵部尚書田樂廕一子世錦衣與戶部尚書

陳渠趙世卿等各賜金幣新總督王象乾賜金并飛魚服
署本兵刑部尚書蕭大亨改兵部尚書于原磨加級世襲
賜金蟒職方郎中申用懋候巡撫缺推用前逮治總兵童
元鎮已請戍得開伍

議者以國家用兵西南夷未有大得志者也 國初傅
友德統二十四將軍止言防守正統間麓川之役用兵
十五萬轉餉半天下而罪人終逸嘉靖初思田之役以
剿始以撫終至今爲諸夷口寔是役征調兵凡二十萬
出師甫踰百口計三省征剿防守約二百萬而逆酋授
首開要荒爲郡邑遂爲西南一大奇捷非

皇上獨斷督臣宣力當不至此

或曰應龍井底蛙耳何能爲獨不勝匹夫之忿與其屑
爲難扭于中朝宣諭故撤時繫時釋時勦時撫一逞于
白石再逞于飛練三逞于綦江以爲漢終不奪我捕事
無過一撫完局乃敢螳臂當車蓋至天兵四集而首頓
足知悔晚矣檻虎阱猿死不擇音然猶竭天下之全力
環而攻之以山壓卵其愁不尅而我亦已疲甚事莫不
罅於微而成于激方首雖伏以一太守單騎幸臨皇慈
請罪及其鴟張以八路五將軍之師相持數月殺人如
麻僅乃尅之誰生厲階得不償失蓋考楊酋察其終始

信怨毒于人爲甚也。昔始囚繫重慶踰年，弭耳乞憐，豈有意反者哉。

皇上至仁且武，方命再三，赫然徂征，貪功妄殺，自始用兵已倦倦申飭矣。初賊已破綦江，僞軍師孫時泰其人說賊欲

圖大事，先取重慶，直搗成都，虜王入營爲質。時蜀無重

兵，鼓行而前。三巴且幾不守，幸賊自顧巢穴，計不出此。

我得乘間厚集王師，及川兵四路入關，賊始悔失策，歛

兵一處，殊死衝突，已無救于滅亡。掌大蠻崖，狼天作仇

覆不旋踵，豈非天哉。國家十餘年間，更三大征，千里

轉餉，西事凡費二百萬，東事首尾七年，踰七百萬，是役

亦踰二百萬而調兵獨最廣。疲中國空內帑以事烏夷。
默夷白骨山積海內騷動。計非王者得已。而或者猶侈
言開疆斥土以播駕說抑獨何與。以上征
考

二月會試以東閣大學士禮部尚書朱賡掌翰林院禮部
侍郎唐文獻充主試官。取楊守勤等三百人。

三月廷試。賜進士楊守勤孫承宗吳宗達等及第。出身有
差。

自設科以來未有前科進士。次科登鼎甲者。自宗達始。
庚戌則馬之騏。此榜少年十餘人。余家士茂叔亦列焉。
然嘗稱萊陽朱東莞李允少。而李僅十七。未娶。兩公莫

才妙齡一時盛傳其異。後皆以治行顯更不易云。李諱待問。宋諱繼登。

考選庶吉士二十二人。駱從宇、丘士毅、周炳謨、王綰、鄧澄、魏賡、劉士驥、黃立極、王家植、徐光啟、韓文炳、黃輝、汪元極、唐之夔、江漸、來宗道、姚士慎、黃炳儒、梅之煥、張鶴、陳五昌、彭浚霄。以吏部侍郎周應賓、禮部侍郎唐文獻教習。

時文淵閣失印復鑄。而閣權始日輕。南中魏國公賜第燬而復造。失。太祖御筆甚多。而黜戚日就窘迫。至有投河死者。兩事關繫。獨在閣臣勲臣已乎。

安陸州故有岳武穆祠。爲十八景之一。世宗龍飛。升

州爲承天府。營造宮殿。萬曆中。守備杜正茂創下城。西
闕土下有積石甚多。取爲周垣之用。恰相當最後得一
石碑。出而洗之。光澤可照。遠望之中。有人影甚多。其一
奇偉豐腴。簇擁而過。如此經日。衆譁呼以爲武穆露形
也。入夜。役卒守之。見一偉丈夫躍出。騎白馬冉冉乘雲
而上。從者數百。遙見天門開。一人袞冕迎之而入。守者
驚伏。不敢出聲。比明。碑上題一詩云。北伐隨明主。南征
拜上公。黃龍已盡醉。長侍大明宮。俄震雷大雨。洗去一
秀才錄之。朱平涵官南雍。其人入監。出以示之。追維其
故。則武穆已轉世爲英國。酣此願矣。大約明神再生。必

有奇績終以兵解故英國卒終于土木客言英國面白而肥與魏國公徐鵬舉相類徐之生夢武穆到家云嘗受汝家供養則武穆在我朝殆再轉世矣

出小

岳王墓木皆南向同知馬偉取檜折幹爲二植墓前名分尸檜正德八年都指揮李隆範銅爲檜檜妻王氏万侯嵩三像反接跪墓前萬曆中兵使者范淶增張俊像撫臣王汝訓沉張俊王氏兩像于湖移泰万二像跪于

祠前

出小

天啟重刊
生

乙巳 萬曆三十三年

皇太子第一子生是爲

今上天啟時十一月十四日也

帝喜得元孫 諭禮部尊 皇太子生母恭妃王氏爲皇

貴妃 皇太子正宮封妃餘皆才人俱皇明典禮一書所

載內閣揭稱閣部無此書當令搜覽得 旨各降一部爲

定式

南京吏部葉向高等公疏 上賀曰竊惟 聖神有作功

與德以並隆祚胤克昌子因孫而益衍故螽斯麟趾式昭

有道之長而鶴禁龍樓載篤無疆之慶眷此 文孫之誕

帝曆之綿延恭遇我

皇上深仁必世駿烈同天長樂尊崇有至德要道以順天
下承華垂裕惟咸正罔缺而啟後人多福多壽而多男三
應華封之祝重輪重輝而重潤兩看離照之明爰自元
良冊立以來以至大婚禮成之後青宮玄闕陶成玉裕
之姿瑜珥鈿函副播葛藟之響屬皇天之篤祐肆宗
社之垂休適當長至之期有此元孫之慶黃鐘和六琯
一陽來復于斯時紫氣滿千門庶彙騰權于此日在
皇上則子而有子罔熙朝間值之嘉祥在

聖母則孫下見孫尤振古希逢之盛事况慶源遠濬慈

闡之花甲初周而少海常澄奕世之銀潢未艾尼有白氣
莫不歡呼臣等職列留京情懸魏闕五雲天遠每翹首于
鳬趨萬葉祚長欲齋心而燕賀追惟元子誕生之日曾
于詔書未到之先虔集群工恭陳微悃茲敬修平舊典庶
仰答于洪休蓋茂發孫枝寔九廟神靈之顯祐而欣逢
帝祉乃萬方臣子之同情也伏願益順歡心旁流濫澤
迓天休滋至匪獨樂于已而同樂于民貽哲命初生以遠垂
于孫如近裔于子則鴻基燕翼後錫胤于周京而甲觀壽
堂陋鍾祥于漢代此寔聖謨之所素祿而亦愚臣等不
勝倦倦者也

上疏

聖德壽局六表適合 皇孫誕生尊上 慈聖宣文明

貞齊端獻恭僖皇太后徽號 詔告天下覃恩中外

議徙寬莫新疆居民六萬餘口入內地棄新疆爲縣脫時

奴酋勢甚張漸逼寬莫李成梁再出鎮乃有此議已而叔

無足

速二酋先後請金縷卽于靉陽清河諸沿邊田土濫派給

賞總督蹇達巡撫趙楫布政張中鴻及總兵李成梁等以

招回華人叙功并賜奴酋金犒廟得賞志益驕逞矣

歸烈婦陳氏卒

歸烈婦者太倉陳鼎彝之女崑山歸善世之妻也年十

九來歸而善世年十八二年而善世死方善世疾革語婦曰爾母寡居無子我卽死喪畢爾自歸與母居養爾母婦泣曰妾無歸理吾卽死妾將隨君善世竟歿婦哭之顙牀頭劍拔劍欲自殺母抱持奪劍謂母曰兒必歿業已許夫死矣自教宜歿者四無子宜死年少宜死舅姑老異日無倚宜死舅姑自有子奉養無須我宜死曰趣市棺我婦人死卽殯不可露尸母守之三日夜謂母曰兒活一刻卽一刻如刀刺願聽兒死侍婢以糜進不食則以置善世前曰君食則我亦食撫尸哭曰吾所以悲者非悲君也吾且慕死將遽然見君獨吾母老窮無

目關人數
不得事片
長為以

所歸是故悲也。舍尸以玉珥，留一自舍曰：九泉之下，以此為信。母見其志堅，不可奪，慨然曰：女成不過一時痛耳。吾旦暮之人，適使吾無後累。遂母子相對縫衣食治殮，且市棺。善世疾五日，婦沐浴更衣出拜舅姑。舅姑止之，悲哀不勝。其從大母毛節婦周氏十九歲喪夫，無子，執志不移。事姑以孝聞。朝廷旌其閭，時年八十。舅謂之曰：如汝從大母者，新婦所親見也。顧不足效乎？奈何？欲走，婦曰：人各有幸不幸。兩大人皆老，新婦年少，歲月遙遙，事變難料。新婦何敢望從大母，成決矣。退而復自語曰：吾今日惟知不給夫以生，何心為名姑？謂母曰：吾

兩人何至立視其歿。必止之母出棺釘。握錘然擗于前口。視之女已如是。而謂尚可止乎。是夜婦自經于牀。喉間聲如鋸。母堅塞兩耳。臥嚙被流汗。他婦救之。復甦。張目視救者。頻蹙曰。徒苦我。我終當死。明日日中。婦縱以被蒙頭。伺人去。仍以被裹衣。爲蒙頭狀。脫身縊。其辭舅姑也。襲衰其縊也。以殮。服時十月十四日也。婦之初欲歿也。勸者曰。盍從爾夫臨沒之言乎。婦曰。臨沒之言。非夫意也。去年里中某婦者。夫死。年少無子。而獨自居。守吾夫哀其志。謂我曰。不如速死。夫固已命我矣。其初婦激烈欲死。家人簇簇私語。咸謂不可。乃更小機。

續衣裳製履襪與諸親相勞勉款曲如平時初絕粒矣
臨終乃更囑家人又簇簇私語曰今食矣婦自若也
疾而樂之綽有餘裕其新決蓋丈夫不如云此歸子集
傳其是名

手

是年秋泰州天鳴累日聲如怒濤○鎮江華山忽裂下
視昏黑又鎮江以至宜興一帶天鳴如泰州○留京數
場夜隕星或墜地化爲灰或自空中分作三塊墜地有
聲尋覓無迹

丙午 萬曆三十四年

京省主試官順天庶子吳道南贊善孫如游應天諭德馮
大經中允傅新德浙江檢討蔣孟育戶科左給事中蕭近
高江西檢討趙川光刑科右給事中曹于汴福建編修何
宗彥吏科右給事中翁冠祚湖廣檢討張邦紀兵科左給
事中胡忻河南吏部員外卞承憲中書舍人吳亮山東尚
書司丞彭遵古兵部主事張汝霖山西交部員外陳采工
部主事馬天錦陝西工科左給事中孟成已戶部員外朱
鴻儒四川戶部主事王畿兵部主事胡來漸廣東刑部主
事張維樞工部主事魏說廣西兵部員外王舜義戶部主

事張鶴騰、雲南刑部主事陸錫恩、工部主事王宗義、貴州
評事周廷光、行人張孔教。

是科解元、順天王獻吉、應天鄒之麟、廣東陳熙昌、山東
李樸、陝西韓繼思、雲南賀文明、貴州楊廷詔、後俱成進
士。而才名聞閭。一時無與。鄒陳比隆老。

秋，奴酋強勒清河沿邊參直，復爭入貢車價，詰在懷遠吏
始倉皇請兵設防。而朝鮮亦報警。海夷回波諸部落俱苦
之。兵科宋一韓以弃地啗虜，參劾李成梁趙楫等。

冬，長至日，百官當詣孝陵上香。將出門，兵部忽傳城外
有反賊萬餘人，乘上陵，殺諸司官，據城倍號。已開九門。

母得出闔城沟懼街市不見一人次日已擒得四十九人
付應天獄爲首者劉天叙斷指挑膝筋內外守備會鞠擬
磔者七人餘皆斬奏聞得旨不時取決

是時句容道上行人長江中行舟絕三日矣天叙鳳陽
人與其黨三人擡一小佛像歷各鄉村募緣得少錢米
若鞋線之類妄言有法術能畫地地陷指天天開且知
人三生事有納錢者來生爲指揮等官一婦人哭于陌
上呼而視之曰來生當爲后妃遂携與俱去行淫如是
而已南京衛軍某者頗黠欲誘而取之禮爲師請試其
術不可因請則曰宜齋戒擇日方可如是數日通之

黃。計。窮。乃。謬。曰。南。中。有。奇。變。天。地。昏。黑。者。四。十。九。萬。里。
際。大。亂。相。殺。且。盡。各。宜。躲。避。何。暇。試。法。蓋。借。此。將。乘。間。
逸。去。也。軍。得。其。情。卽。告。之。操。江。豐。城。侯。李。李。遠。人。告。之。
內。外。守。備。尚。書。參。贊。俱。會。守。備。府。既。內。懼。且。色。動。并。告。
者。執。之。張。大。其。事。陳。兵。出。入。謂。賊。頃。間。發。覺。定。此。大。難。
封。侯。不。足。道。其。寔。天。叙。等。數。人。皆。庸。流。下。賤。餘。四。十。人。
則。南。都。某。備。踏。麤。人。也。漸。有。覺。者。藉。藉。稱。語。時。丁。敬。宇。
方。爲。操。江。都。御。史。兼。掌。刑。部。大。理。寺。知。其。詐。既。得。旨。
下。法。司。則。丁。爲。政。守。備。參。贊。盛。氣。來。言。謀。逆。大。夥。不。可。
縱。丁。素。和。煦。衆。恐。有。所。休。不。能。堅。持。而。丁。更。以。婉。行。之。

曰其不才事既在我輕重禍福獨當之不以累諸公諸公且毋動某不難屈膝以謝皆愕不能對而軍士乘機脅詐者無算訴者近千人悉緘其詞致之叅贊乃改擬磔一人斬一人餘悉充戍時天叙已死如法梟示而故事戍者必立枷時方霖雨枷大中橋不一久已有死者沙壅其屍俟滿日方埋丁聞亟往視召錦衣與兵馬官語曰如此十日必盡死朝廷開以生而我輩乃欲死之且以骨戍乎天日在上鬼神難欺亟搭薦蓋坐以蒲團湯沐飲食之餘人乃得全活

日本家康復奉朝鮮書并尋盟并轉送據王京時發揚

鮮光王丘基賊僧松雲往探家康云壬辰身在關東不預
兵事關東卒無一渡海而朝鮮還人報頃倭諸島築城對
馬島以主和事獨獨役倭言和事不成則六十六州并築
城半往戰朝鮮朝鮮王以聞

上諭加意偵防而對馬島私款不絕

閩縣蘇夢陽以歲之丙午來司南都官獄聞前司獄孫
一謙之賢詢其向所行事一老卒曰孫君則善矣然官
竟何如夢陽曰善則善矣何官之云于是盡舉一謙所
爲踵行之而益嚴獄卒不使患苦諸囚又恐其夜虐之
而莫之知也則監置一鐐令曰有虐囚者同受鳴此不

嗚者同罪。獄中肅然。其他踐更稽察。撫恤病苦。法甚備。郎中沈琬嘗指獄戶語曰。此故生地獄也。蘇司獄去。吾不敢繫人矣。舊時囚有死而無爲收葬者。率置竇中。羣犬恣食之。夢賜惻然。適料囚米有餘。卽白視獄諸曹郎。請爲糲以待死者。諸曹郎大是之。相率白中丞。丁公宥。丁公時視秋官篆。聞之。喜甚。益發衣絮諸物。令夢賜給。施諸囚。未幾。轉粵東守禦使。丁公太息曰。吾署司冠。惟有王郎中紹先及蘇司獄耳。惜也。紹先死。而司獄又遠。遷于是。特獎夢賜資遺之甚厚。王郎中乃萬曆十九年所舉。天下清苦以風百僚者。今丁公以夢賜並稱不。

病于是躋身之專。年三十餘。未有子。以司獄俸薄。不獲
家。其爲吏目亦然。蓋有志者也。山三司獄傳

葛。○訖。○瞻。○寅。○亮。○爲。○南。○祠。○部。○所。○領。○近。○畿。○諸。○判。○有。○賜。○田。○者。○稽。○籍。○籍。○在。○則。○問。○租。○租。○在。○則。○問。○數。○清。○查。○勾。○剔。○與。○所。○在。○有。○司。○往。○復。○甚。○苦。○既。○有。○緒。○興。○補。○墮。○廢。○約。○束。○僧。○寮。○秩。○然。○可。○觀。○以。○何。○爲。○狂。○生。○所。○辱。○投。○効。○歸。○其。○素。○以。○職。○事。○或。○請。○囑。○相。○左。○者。○適。○在。○事。
可。情。出。小。品。